

drgegn argementiern. Dann is die Sach ausgefert, die Fraa tat siech egal meh in Raasche redn un fing aa ze heiln, weil se net Racht kricht hat. Dann sei se alle viere aufgesprunge un nausgange. Is halbe Obndbrut war noch aufn Tisch gestandn. Mir ham die dann nimmer gesaah, vielleicht war dr Urlaub suwiesu vorbei un se sei eham gefahrn. Warum siech die Fraa su doreifert hat kaa iech net vorstieh, denn die hatt doch schu längst ihre Rente rei! Mir hattn nu unern Spaß drbei un ham uns gesaat, des esu ne Streiterei nischt eibrengt, mir wölln auf jedn Fall unnern Urlaub friedlich mitenanner drlaabn! Do sei die paar Tog doch viel ze schod drzu, wenn mr siech in de Haar kricht. Desserhalb ham mir lieber zwee Ausfahrtn mitgemacht, aamol nooch Thessaloniki, wu mir viel Geschichtlichs gehärt un gesahh ham. Des annere Mol war zwar ne weite Fahrt, aber is hat siech gelohnt: Do gings weit ins griechische Land nei nach Meteora zu nr uhaamlich grußn un huchn Felslandschaft. Do ganz ubn drauf ham siech auf zich vorschiedne Gipfl Mönche aagesiedlt un ihre Kloster nauf gebaut. Wie die des uhne Technik, uhne Kran un Hubschrauber in dar altn Zeit geschafft ham is e Rätsl. Allis mußn när an Stricken un mit ner aafachn Winde naufgezerrt wern, jeder Staa, jeds Stickl Holz! Des muss ne Ploocherei gewaasn sei! Die aane Stroß, die itze nauf auf den enn Feltn gieht, is erscht in de 60er Gaahrn gebaut wurn – eng, steil un mit vieln Kurvn. Zwischn zwee settn Felsklostern konnt mr aa ne Seilvorbindung saah. De Reisebgleitern, die uns viel un gut drzählt hat, saat, des hier in dare schwindlnden Höh dar aane Dschäms-Bond-Film gedreht wurn wär. Des des die Mönche zugelessn ham? Nu ja, die wern ja bestimmt e paar Mark – ach naa, des warn ja frieher Drachmen – abkricht ham. Wie auch immer, is war schu e besonnersch Drlabnis, do muss mr mol gewaasn sei. In letztn Viermittich – kurz vorn Abfluch - is mei Fraa noch emol neine Meer gesprunge un hat siech esu vun Griechnland vorabschied.

Bis zen nächstn Mol: Eier Schmidti

### **FAHRDIENST für September**

*Wer am 04. September 2014 zur Mel gefahren und auch wieder nach Hause gefahren werden will, der möchte bitte anrufen:*

**Günter Schmidt – Tel.: 2395**

*Erhält er bis 17:00 Uhr keinen Anruf, so erfolgt auch kein Fahrdienst !!! Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!!!*

Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Fax 037752 / 2141

Internet:  
[www.heimatverein-eibenstock.de](http://www.heimatverein-eibenstock.de)

Bankverbindung:  
Erzgebirgssparkasse  
IBAN: DE90870540003892207258  
BIC: WELADED1STB


# Unner Blatt`l



Nummer  
114

Mitteilungsblatt des  
Erzgebirgischen Heimatvereines Eibenstock

September  
2014



Unner Wasserfall

# Schwammelied

von Stephan Dietrich aus „E Liedl muss iech singe“

Guckt dr erschte Sunnestrahl hinnern Buchbarg vür,  
schleich iech mit men Schwammesack sachte aus dr Tür.  
Fraa un Kinner schlofn noch fest in ihrer Ruh.  
Un iech tippl kreizvergnügt nooch ne Waldsam zu.

Vögle singe noch in Traam un e Nusser schreit  
Naabl troppt noch vu de Baam, is wird schie Watter heit.  
Erscht wird noch ne Pfeif gestoppt, Dampf muss sei drbei.  
Nooch giehts durch de Fichtn durch in de Staudn nei.

Spanne mußte wie e Luchs ofn Budn hie,  
wu dr Wald su dunstich is, sölln de schennstn stieh.  
Mannichmol do irschte rüm, findst diech net zeracht.  
Host is Maul vu Spinnwebn schwitzt a gar net schlacht.

Dort, do muss e Staapilz sei, hinner darer Ficht.  
langsam wird siech naagemacht, des mir ne drwischt.  
Bist de noochert an den Flack, drehst de Aagn ball raus:  
liegt e Stickl Baamrind dort, lacht dich höhinich aus.

Fieß un Baa sei troppenass vu dar Würcherei,  
Trotzdam kriechste voller Wut immer wetter nei.  
Du grußmachtichs Ugelick 's is schu aaner do,  
un dar schneid zen Arger dir grad in Staapilz o.

Platzn kennt vor Wut de Gall, do hilf allis nischit.  
war zeerscht is Flack hat, dar hats abn drwischt.  
's Schwammehuln is wie is Labn: oft do findst in Drack,  
Annerschmol kimmst du zeerscht un schnettst allis wag.

Schwammehuln, des is e Fraad  
is kaa nicht schennersch gabn.  
Schwamme ass iech gar ze gern,  
Schwamme sei mei Labn!

## Wir gratulieren unseren Heimatfreunden

Elisabeth Scholz	am 06.09.	zum 69. Geburtstag
Karl-Heinz Schwarze	am 08.09.	zum 83. Geburtstag
Claus Reißaus	am 14.09.	zum 70. Geburtstag
Beate Wellner	am 21.09.	zum 55. Geburtstag
Christa Jacob	am 22.09.	zum 81. Geburtstag
Günter Schmidt	am 27.09.	zum 65. Geburtstag



### Unsere nächste Zusammenkunft



findet statt am **04. September 2014**

Wir treffen uns zu einem

**bezaubernden Abend**

**18:00 Uhr bei dr Mel in dr Schulstroß.**



Vorankündigung für unsere nächste Zusammenkunft



Wir laden ein

**Der Bürgermeister kommt**



am 9. Oktober 2014

Unser Ziel ist die Gaststätte „Zimmersacher“ sein.

Bitte füllt den Anmeldezettel **bis zum 25.07.2014** aus und gebt ihn im Museum oder werft ihn bei M. Schürer in den Briefkasten.  
(Telefonische und später eingehende Anmeldungen können nicht berücksichtigt werden!)



Die Speisekarte für das Abendessen werden wir im nächsten Blattl bzw. am 3. Juli zum Rostern bekanntgeben



## Bei de Griechn Teil 2

Dr zweete Taal vun Urlaub? Hätt iech nár gelei wetter geschriebn ben erschtn Mol, do war allis noch frisch in meiner Rieb drinne, itze muss iech schu wieder gamerlich noochdenkn, was iech eich eingtlich berichtn wollt. Su nooch un nooch kimmts aber emende wieder. Des is am Meer schie war, hab iech ja schu gesaat, zwischn-menschlich hatts aa wunnerbar gestimmt – wos will mr meh? Is Assn vom Büffee war aa immer frisch, reichlich un gut, do gabs ieberhaupt nischt ze meckern. De Getränke warn halt eweng teier, aber irngdwe müssn de Griechn ja ihrn Schuldhaufn bezohln, do namme ses halt vu de Urlauber. An Strand ham siech alle schie bräune lessn, genuch Sonn war ja do, un des hatt ja ka Gald gekost. Do muß iech an ne Sach denkn, die iech vor Kurz n gehárt ho: Do wár e gunger Kerl gewaasn, eweng peniebl un egebild, dar war ieberall schie braungebrannt, nár sei bestes Stickl net. Des hatt nu geárchert. Do hatt ar siech neine Sand egebüttelt un hat nár des Stickl rausguckn lessn, dodrmit des nu aa noch braun wern sóllt. Kumme doch 2 ältere Damen vorbei. Do saat die Aane, „Nu guck dr nár des aa: mit Zwanzich war iech neugierig do drauf,



mit Dreißich hob iechs genossn, mit Vierzich hob iech drimm gebatlt, mit Fuffzich dodrfür bezohlt, mit Sachzich ho iech drüm gebatlt, mit Sibzich hab iech´s vorgassn, wos des is, un itze, wu iech nu Achzich bi, wachsn die Dinger hier wild an Strand un iech bi ze alt üm in de Hock ze gieh!“

Ach ja bein Assn, do kunnt mr de un-nerschiedlichstn Beobachtunge machn. Do gabs welche, die ham den Taller gelei esu voll gemacht, des se siech

ball durchgebugn hätt n. Is war ja aber immer genuch do! Ja un dann ham ses net geschafft un de annere Hálft is aufn Taller drauf gebliebn. Des kaa mr net vorstieh.

Aber is gibt abn sette un sette! An enn Obnd, saßn bei uns am Nachbartisch

zwee Pärchn, also schu eweng älteres Semester. Die warn ausn Schwabnland, des war net ze ieberhärn. Jednfalls ham die racht viel diskutiert, des haaßt, aangtlich nár die aane Fraa. Die tat allis besser wissn. Is ging im de neie Rentn-aktschon vu unnerer Superregierung, wu mr siech mit dreiesachzig nimmer mit dr Arbit voll ze machn braucht un wos do allis druzähln tát. Ihr Maa saat immer mol ganz vürsichtlich zwischn nei, des se des doch gar net su genau wissen kennt. Un dr annere Maa tat aa egal behutsam



## Blättergeschichten

Drei Baamle stinne am Waldessaam:  
de Birk, de Esch, un dor Eichenbaam,  
wos die Blätter orzehln, hár nár zu,  
e schiens Geschichtel, des macht uns fruh.

Im März hoot miech de Sonn aufgeweckt,  
wisperts Birkenblatt, noch ganz vorsteckt,  
mit Tulpen zu enn Strauß gebunden  
habt ihr miech in dor Vas gefunden.

Dor Vugelbeerbaam war iech genannt,  
bie dor Schennste im Arzgebirgsland.  
Mei Blatt is gruß, meine Beer sei rut,  
de Vögle tunne siech do draa gut.

Un iech? De starke Eich, saht mol haar,  
zackige Blätter un Eicheln schwaar,  
for de Reh im Wald sei die gedacht,  
im Winter, wenn dor Frost nár su kracht.

Die drei Baam hamm von ihrn Laabn orzehlt.  
Herbstwind de Blätter zor Ard nu weht,  
de Äst sei kahl, dor Schnee fällt ball drauf,  
doch im Frühgahr wacht alles nei auf.

Aus:  
DAGMAR MEYER  
„De Walt is voll Wunner“



## Diesgahr hats geklappt!

Schu im vorigen Gahr wollten mir zen greßtn Wasserfall vu Sachsen – nooch Blaatol – aber des war ja nischt. Do is kaa troppn Wsser runnerkumme, do braucht mir gar net erscht hiezefahrn. Des wär ja aa e Uding: e Wasserfall uhne Wasser! Aber diesmol hats ja funktschioniert: mr kunnt is Wasser ströme saah un gehärt hats mr aa noch. Mir hattn also wie jeds Gahr ne Witscher seine Pfaarle samt Wägn un natierlich unnern Oberkremser, ne Zechel-Helm, angaschiert un uns gegn Fünfe (iech maan nachmittichs, kurz vor Obnd) aufn NORMA-Parkplatz eigefundn. Dr Zuspruch war enorm, vu vierzich gemaldn Mitfahrern warn neinedreißich do.



Is hat när aaner gefahrt – unner Chef. Dar hat do gerod Materal kricht un muß an sein Haisl eweng rimbaue. Bein nächstn Ausritt isser aber bestimmt wieder mit drbei, hatt ar gesaat.

Nochdam dr Helm vu dr Unnerstadt mit samt de dort asässichn Oldies ieber de Bargstroß seine Rösser getriebn hat, sei mr alle mitenanner, also auf drei Wägn, in Nonnehaisl nei un untn an dr Gabling rechts nunner gefahrn.

Weils auf unnern Wogn eweng eng war, bi iech mit auf ne Kutsch-bock naufgestiegn, suze-sogn als rachte Hand vun Kutscher. Un des war aa gut esu: Kurz vorn Wald tats of emol scheppern, un, iech glab Harrass hieß des rachte große Pfaar, war

mit en vu seine vier Baa ieber de Kett vu dr Aaspanning kumme. Do muß mr schnell mir „Brrrrr“ aahalt, dr Kutscher tat mir de Ziechl nei dr Hand drickn un saar, iech söllt de Pfaar ja ordnlich fest halt. Mit eweng hie nun har hatt ar des Pfaar ieberzeicht un dr Harass tat sei Baa wieder an de richtsche Stell bringe un wetter gings. Aber net weit – un des ganze tat siech noch emol wiederhuln. Dr Kutscher maanit, des Pfaar is e bissl ugestiem, des braucht erscht emol eweng Astrengung, in Bargl nei is des unnerfordert. Auf jedn Fall hattn mir dann ne richtig gute Fahrt an frischer Waldluft, de Stimmung war auf alle Wägn wie immer gut. Des is kaa Wunner bei den Getränkn, die ausgabn wurn sei, egal öb vu nr Silberhochzich oder vu nrn Geburtstich. Nooch dr Rast beim Blaatoler Sturzbach sei mr dann halt in Zimmersacher eigerickt, des haaßt, mir soßn ja hausn auf dr nein Terrass, also sozusogn in Biergartn. Do gabs aa gelei allis was is Harz beghert un wos mir an Assn vürbestell hattn.



Mir sei auf jedn Fall vu dr neie Bewirtschafting gut bedient wurn, allis war zur Zefriednhaat. E paar Liedle ham mir halt aa gesunge, iech hätt ja mei Gitarr ansinstn immesist mietgenomme. Gegn dreiviertl Neine sei mr wieder auf unnere Wägn gestiegn un lus söllts gieh. Aber diesmol wollten de Zechl-Pfaar egal annersch wie dr Helm: Die solltn auf de Stroß nooch links, aber



wie dr Helm aa gezugn un auf se eigeredt hat, sei se immer wieder nooch rechts gange. Also, wenn iech richtig gezählt ho, su warn emende acht oder aa meh Versuche notwendich, üm die Pfaarle zr Eisicht ze bringe, su desdes dann endlich ofn

Haamweg gie kunnt. „Is sei halt Pfaar, die ham ihrn eigne Kopp“ saar dr Helm, un do hatt ar Racht, gruß soot sei ja die Pfaarköpp. In ner noch bessern Stimmung gings dann bargauf nauf eham nooch unnern Eimstock. Bein Vorabschiedn warn siech alle aanich – is war wieder schie! Bestn Dank noch emol an unnere Kutscher, die uns in alt bewährter Weis gut un sicher durch unnern gebirgischn Wald gelenkt ham!



E herzlichs „Glück Auf“  
vun eiern Schmidt

Fotos: R. Tittel